

Hoihmiuh Yahlungz Vaihsa Bwzhaij

□ Maj Veivungz comz hoiz



▲ Doih youz haw byaij gvaq gai gaeuq.



▲ Ndaw doih youz haw miz doxgaiq daegsaek lai.

◀ Aendoih caeqbaiq bae youz haw.



▲ Vunzlai siuyieng baiq Yahlungz.



▲ Guh yizsi dwkcuengq baiq Yahlungz.



▲ Congzbaed ndaw Muih Yahlunngz, siengqbaed Yahlungz naengh coij laeng baihsuix boux daihsam.



▲ Ciengmienh ciep "mou-gim" hung hoenghhwd.

"Hoihmiuh Yahlungz Vaihsa" (youh heuh "caeqbaiq haij Vaihsa") dwg Vunzdan Bwzhaij cungj biujyienh hingzik baiqfug Yahlungz ndeu. Youq moix bi liggaeuq ndwencieng cibngux guh bingzan, ndwencieng cibloeg mbaenjufuk, ndwenngux cibbet hoh ngoenzseng Yahlungz, ndwenlab cibloeg hawjufuk daengj ciet baelaeng Muih Yahlungz mbaenjufuk hoiznyienh dwg vunz Vaihsa Bwzhaij cungj fungsug cienzdoengj ndeu. Muzdiz dwg docih Yahlungz caeuq gyoengq sien daengx bi cungj baujyouh gyoengqde cang rim maranz, ndwenngoenz vuenyungz, caemhcai mbaenjgouz saedcej yied daeuj yied hoenghuengh.

Riuznaeuz, miz bouxdwkbya ndeu bae haij feuh Vaihsa Bwzhaij dwkbya, gip ndaej duz byaleix dai ndeu, de couh dawz duz de maranz, yaek cek de guh byaek gwn. Hoeng de dawz cax yaek gvet gyaepbya seiz, duz byaleix neix sawqmh diuq hwnjdaej. Seizneix miz boux sien ndeu okyienh youq baihnaj de, naeuz: "Duz byaleix neix dwg Yahlungz bienqbaenz, vaiq cuengq duz de bae, comz vunzlai youq gizneix coih aen muih ndeu daeuj dwkcuengq Yahlungz, Yahlungz ndaej baujyouh sou okhaij dwkbya bingzan. Bouxdwkbya neix dingq le, couh dauq cuengq duz byaleix roengz haij bae lo. Doeklaeng, gyoengqvunz Vaihsa couh comz ngaenz guh le Muih Yahlungz, dwkcuengq siengqyou Yahlungz, it bi seiqgeiq yieng lab cungj mbouj dingz mbouj duenh.

Daj seizde gvaqdaeuj, dangdieg daj liggaeuq ndwenlab

cibloeg daengz cibbet dwg ngoenz hawjufuk, dwg baenz bi daeuj aen hozdung siuyieng cei youqgaenj haenx. Ngoenz gonq, boux guenj yieng lab ndaw muih haenx couh ra vunzlai daeuj, aeu gij ngaenz comz daeuj haenx dingh' aeu mouseng le, cix gyau hawj cangh cienmonz guh "mougim" haenx bae loengh. Binaengz hoihmiuh, mougim lai cix miz bak duz noix cungj miz hajcib duz. Deq hozdung sat le, couh dawz gij mougim faen hawj gij ranz roxnaeuz boux caeuqfaenh comzngaenz haenx, hawj gyoengqde daiq baema baiq cojgoeng. Ngoenz cibloeg gyanghaet, baenz bak boux vunz Vaihsa ndang daenj buhvaq Vunzdan cienzdoengj daeuj banh gij hozdung ram sien youz haw. Sing gyonglaz, sing loxlez goksadsad yiengj hwnjdaej, aen duivuj neix daj Muih Yahlungz hwnjdin bae ciep mougim, eu fwen diuqfoux baenz roen, angqangq yangzyangz. Gyoengqde yaengx fukvang caeuq gak saek geizfan, ram duzyou Yahlungz, gang liengjva, nyoengx dengxva, loengh saeciej, roq gyonghwet, niuj yangghoh, eu fwen Vunzdan. Bak geij duz mougim henjrwgrw haenx yungh cisamloek caeuq dengxva cang ndei le, aen doih neix caiq byaij gvaq hongh hawgaeuq Bwzhaij, dauqma daengz Muih Yahlungz. Gij hozdung biujyienj eu fwen diuqfoux vuenheij haenx, ciuyinx hauilai bouxyawj daengzdin roengzdaeuj humxyawj.

Bi 2010, hoihmiuh Yahlungz Vaihsa ndaej senj haeuj buek daihsam swcigih gaep feihvuzciz vwnzva yizcanj mingzloeg.



▲ Ndaw dengxva cang rim fukbaed.



▲ Lungzva youz haw foux mbouj dingz.



▲ Aendoih youz haw raezrangrang.